

Parlamentario Xiomara Maduro:
**EMAN TA UN MAKELAAR CU TA BENDE
ARUBA SU LIBERTAD PA DRECHA SU
CARA NA HULANDA
PARTIDO FUTURO A DUN'E TUR CHENS**



WWW.SOLODIPUEBLO.COM



SOLODIPUEBLO@GMAIL.COM



**GOBIERNO DI ARUBA AVP -
FUTURO MESTER CARGA SU
RESPONSABILIDAD ENBES
DI DUNA GOBIERNO DI
HULANDA MAS**

Parlamentario Evelyn Wever-Croes

**PRESIDENTE DI PARLAMENTO
A CANCELA REUNION CU
CAFT, TA PARSE CENSURA**



**GOBIERNO NO A
SIGUI CONSEHO
DI RAAD VAN
STATE RIBA LEY DI
CONSENSO DI REINO!**



Parlamentario Hendrik Tevreden:

**RIJKSWET FINANCIERO TA E
INSTRUMENTO CU ARUBA MESTER
PA MEHORA MANEHO PUBLICO?**

Al krijg ik geld mee, tegen HOFA is nee

Parlamentario Evelyn Wever-Croes

PRESIDENTE DI PARLAMENTO A CANCELA REUNION CU CAFT, TA PARSE CENSURA

ORANJESTAD – Fraccion di MEP a expresa critica fuerte riba e decision di Presidente di Parlamento pa nenga e reunion planea diabierna ultimo cu College Aruba Financieel Toezicht (CAft). CAft ta bin Aruba dos biaha pa aña, y ta reuni dos biaha pa aña cu Parlamento. E biaha aki, Presidente di Parlamento a cancela e reunion, pasobra un delegacion di 10 parlamentario ta na Hulanda. “Tabatin 11 miembro di Staten presente na Aruba y e vicepresidente por a dirigi e reunion. Asina mes nan a tuma e decision pa no tene e reunion. Asina

nos di fraccion di MEP a keda sin e oportunidad pa haña informacion crucial di CAft,” segun lider di fraccion di MEP Evelyn Wever-Croes.

Segun fraccion di MEP, e decision aki ta sigui un tendencia preocupante desde cu e gobierno di AVP y Futuro a tuma mando 6 luna pasa. “Nos ta bibando den un cultura den cual e Gobierno no ta duna informacion, preguntanan di miembro di Parlamento no ta wordo contesta, presidente di comisionnan fiho di Parlamento ta purba censura fraccion di MEP, y peticionnan pa



reunion publico ta wordo ignora. Den esey, cancela e reunion aki cu CAft ta parse hopi riba censura y ta debilita e rol di control

di Parlamento,” Wever-Croes a bisa.

Fraccion di MEP ta pidi presidente di Parlamento

pa evita repeticion: “Parlamento no mester wordo kita for di e proceso. Transparencia ta e base di nos democracia.”

Luna di Locura cu Lotto 5 ta wordo extendi! CU CADA 2 LOTTO 5 RIBA E MESUN TICKET, RICIBI 1 LOTTO 5 LOCO EXTRA COMPLETAMENTE GRATIS!

ORANJESTAD, Aruba – 30 di september 2025: Pa motibo cu e Luna di Locura ta asina gusta, Luna di Locura cu Lotto 5 ta wordo extendi te cu fin di december! Cu cada compra di 2 set di number di Lotto 5 riba e mesun ticket, bo ta ricibi un Lotto 5 loco extra completamente gratis ariba e mesun ticket.

Si bo cumpra 4 Lotto 5 riba e mesun ticket bo ta ricibi 2 Lotto 5 loco completamente gratis. Si cumpra bo 6 Lotto 5 riba e mesun ticket bo ta ricibi 3 Lotto 5 loco gratis. Kiermen mas Lotto 5 bo cumpra riba e mesun ticket, mas Lotto 5 loco bo ta ricibi gratis y

asina mas chens bo tin pa gana e jackpot di Lotto 5!

Lotto 5 ta costa solamente 4 florin pa ticket y bo por combina bo 5 numbernan for di 01 te cu 35. Pidi bo rebendedo pa bo 2 set di 5 numbernan riba e mesun ticket y asina bo ta ricibi un Lotto 5 loco completamente gratis. Si bo no sa cua numbernan pa kies, bo ta pidi bo rebendedo pa 2 Lotto 5 loco riba e mesun ticket y ricibi un tercer Lotto 5 loco completamente gratis riba e mesun ticket.

E promocion aki ta valido te cu 31 di december 2025 pa e sorteonan di Lotto 5. Por cumpra bo weganan di Lotto te cu 7:30PM na bo rebendedo preferi. Sorteo di Lotto

5 ta hunga riba tur diaranson y diasabra anochi pa 7:45PM na TeleAruba pero tambe por wak sorteo di Lotto riba nos pagina di Facebook y YouTube.

Lotto, E Loteria di Aruba tin diferente wega, Catochi, Big 4, 1-OFF, Zodiac, Wega di Number di Korsou di Lotto, Lucky 3, Multi-X, Lotto di Dia, Lotto 5, Mini Mega y cu su Mega Plus y e diferente weganan di Raspa y Gana y Instacash. Tambe lo por hunga Lotto Online door di bishita: play.lottoaruba.com pa por registra. Cumprando Lotto bo ta contribui na deporte riba nos isla. E meta ta pa organisa loteria, cambia bida di



su hungadonan y na mes momento inverti den deporte local pa medio di donacionnan na e comision di subsidio.

GOBIERNO DI ARUBA AVP - FUTURO MESTER CARGA SU RESPONSABILIDAD ENBES DI DUNA GOBIERNO DI HULANDA MAS RESPONSABILIDAD CU PRACTIKAMENTE NAN NO TIN TEMPO PE

Parlamentario Endy Croes tabata presente den e prome dos dia dianan intensivo di reunion di IPKO. Durante e prome dia e Presidentenan di Parlamentonan di Reino y tambe e Presidentenan di e comisionnan di IPKO di cada pais den Reino ta haña oportunidad pa hiba nan speech y duna un relato alrespecto trabounan y vision pa cu cada pais den Reino.

X Hues na Aruba Jeroen Koert vice presidente di Comision IPKO Hulanda Durante e presentacion di e vice presidente di Comision IPKO di Hulanda Jeroen Recourt kende a traha varios aña te cu 2010 como Hues na Aruba, por a tuma nota cu el a trese dilanti varios problema y dolornan cu Hulanda ta bibando cunan actualmente cualnan mester atencion. No ta comun cu Hulanda ta trese su dolornan asina extenso dilanti. Jeroen Recourt a spika di e Migratie problematiek, a conta di e problema di Hamas- Gaza, a spika e problema di Ruisa Ukraina, a comenta e scarsedad imenso di vivienda y prijsnan cu a dispara manera el a jame cu awor ta “peper duur”, a comenta di inflacion cu ta azotando nan, a spika di assielzoekers problematiek, a repasa e stikstof problematiek y na final a spika e

pobresa”armoede” na Hulanda cual a aumenta considerablemente ultimo añanan. Enbista cu e manera cu esaki a wordo tres dilanti y net na e momentonan aki Mike Eman y Gerlien Croes kier entrega nos autonomia atraves di un Rijkswet nos ta puntra nos mes ta ki tempo Hulanda lo por tin pa bay worry cu Aruba si nan mes ta yena cu problema? Indirectamente esaki tabata e mensahe di Jeroen Recourt pa entre otro Aruba.

Paul Comenencia Raad van State a duna presentacion riba 70 aña di Statuut

Parlamentario Endy Croes asplikacu Paul Comenencia kende a forma parti como Voorzitter di e comision cu a skirbi e consejo di 70 aña di Statuut a duna un presentacion amplio riba dicho consejo y tabata hopi kla riba Consensus Rijkswet. Paul a spika cu “Consensus Rijkswet” den e trayecto “MESTER” pasa Parlamento “Prome” cu e wordo entrega pa cuminsa cana su caminda. Transparencia y sosten di Parlamento di cada isla ta di vital importancia den henter e trayecto. Riba un pregunta di un Parlamentario di Hulanda Paul Comenencia a enfatisa cu 100% lokual el a spika esey ta e caminda corecto. Esaki ta kita tur discusion cu tabata tin na Aruba.



Parlamentarionan di AVP-Futuro kendenan tabata sinta den sala a ricibi un “slap in the face” na e momento ey. Nos lo bin bek mas extenso riba e parti aki den dianan nos dilanti.

Esaki ta confirma cu Parlamentarionan di AVP-Futuro no tabata bon informa pa nan propio gobierno y esaki a causa tur e confusion na Aruba ultimo luna. Awor cu a scucha esaki di expertonan na Hulanda y di Raad van State lo ta prudente pa bay bek cas y traha duro pero importante pa repasa e consejo di raad van State cual buki a wordi reparti pa tur den sala y percura pa e error graval manera a wordo cometi recien nunca mas ripiti den futuro. Parlamentario Endy Croes ta termina bisando cu reunionnan ta canando hopi bon y riba e

tema particular aki sigur ta continua. a keda aclarea. Trabounan



**TRABOU DI MANTENCION RIBA LIÑA
DI DISTRIBUCION SEROE PITA**
Interupcion di Coriente Planea

En conexion cu trabounan necesario pa mantene un suministro di coriente confiabel, e servicio di coriente lo wordo interumpi:

**Diahuebs, 2 di oktober 2025
8:30 AM te cu 10:30 AM**

Den vecindario di:

- Ayo (un parti)
- Cashero (un parti)
- Piedra Plat (un parti)
- Seroe Pita (un parti)
- Santa Cruz (un parti)
- Tamarijn (un parti)

N.V. ELMAR ta pidi disculpa pa e inconveniencia cu e interupcion di coriente aki por causa.

Bishita www.elmar.aw pa mira e lista di adresnan afecta.

Danki pa e comprension.


ELMAR

Parlamentario Hendrik Tevreden:

RIJKSWET FINANCIERO TA E INSTRUMENTO CU ARUBA MESTER PA MEHORA MANEHO PUBLICO?

Al krijg ik geld mee, tegen HOFA is nee

Aruba ta conoce supervision financiero desde 2015 pa medio di e ley LAft. E tawata un acuerdo entre gobierno di Aruba y Hulanda pa yega na un ley local, cu parlamento di Aruba ta pasa. Den e ley ta unda a determina e palabracionnan y normanan financiero haci entre Aruba y Hulanda. Pero awe ainda politiconan na Den Haag (Hulanda) kier cambia e sistema existente den un ley di Reino esta HOFA.

Un Rijkswet of ley di Reino, ta normal pa regla cosnan den Reino Hulandes, manera por ehempel nos nacionalidad Hulandes

por medio di un paspoort. Pero pa bay na regla e finanzas interno di Aruba, esey ta bay demasiado leu. Profesornan di ley ta yama esaki, abuso di e instrumento di ley. Mas ainda un ley di Reino no tin legitimidad democratico na Aruba. Esey kiermen cu ta Hulandesnan den Tweede Kamer solamente por vota riba e ley, y ta ministernan Hulandes tin di firma e ley, siendo cu ningun a participa na eleccion di Aruba corda pa wordo scogi te pa bay dicidi pa nos. Kende ta responsabel pa su cas, ta su propio dueño toch. Imaginabo cu bo bisiña awor ta drenta bo cas y bisa

bo kico bo por y kico bo no por pasobra e no kier.

Awo nos tin un debate, di kende a firma o laga. Segun ami, nos tin di mira mas leu enbes di pleita entre nos mes. Dicon Hulanda kier tanto poder riba e ader principal di nos pais, esta su finanzas?

Si Aruba tawata den bancarota, mi por comprende e rasonamento aki. Si Aruba lo ta tin debe cu Hulanda so y no ta paga nan, mi por comprende esaki. O cu si nos situacion financiero tawata asina malo, nos economia tawata den cora y nos no tin modo di saca cabes for di awa, mi por bay un debate cu e

pensamento ey. Pero tur rapport ta prueba cu Aruba ta mas prospero cu nunca. Nos tin tres presupuesto financiero cu surplus tras di otro. Nos desempleo ta mas abou (4.3%) cu e ultimo decadanan y nos debe nacional a wordo baha tres aña prome cu tempo pa yega 70%. Di otro palabra, no tin un base logico pa hustifica e inhusticia aki.

HOFA lo bay mina nos derecho democratico. Si nos 21 parlamentarionan acepta HOFA, Den Haag lo impone su regla riba nos presupuesto. Nan lo ta heer en meester. E ora nos lo tin di evalua cu



si eleccion na Aruba ta necesario ainda. Cu HOFA nos no ta bay 39 aña bek atras, prome cu Status Aparte. Pero nos ta bay bek na e epoca unda cu nos tin di bisa, ja baas. HOFA no ta democracia, ni tampoco supervison, pasobra esey tin caba. HOFA ta nos poder autonomo entrega, na cambio di interes abou. Un Arubiano lo bisa no na HOFA, al krijg ik geld mee!

CORSOU, ARUBA, SINT MAARTEN Y HULANDA TA TRAHA HUNTO PA PROTEHA ESTADO DI DERECHO Y BON GOBERNACION

Tur pais den Reino ta reconoce importancia di colaboracion pa fortifica estado di derecho y bon gobernacion. P'esey Aruba, Corsou, Hulanda y Sint Maarten ta trahando hunto pa combati crimen di 'ondermijning', corrupcion y fraude y promove integridad. Asina minister di Husticia y Siguridad (J&V) Foort van Oosten y secretario di estado Eddie van Marum ta scirbi Tweede Kamer awe. Motibo di esaki ta un mocion di Kamer cu ta boga pa un acercamento mas fuerte di entre otro combatimento di fraude, crimen di 'ondermijning' y corrupcion.

Atendemento cu 'ondermijning' 'Ondermijning' ta un tipo di criminalidad organisa den cua e esferanan legal y ilegal, comunidad decente y mundo criminal, ta mescla cu otro. E posicion geografico den cercania di Latino America y Norte America y e ruta comercial pa Europa ta haci e parti Caribense di Reino extra vulnerabel pa crimen di 'ondermijning', manera contrabanda di droga y arma y traficacion ilegal y contrabanda di hende. Tambe e escala chikito di e islanan ta encera un riesgo mas grandi pa conflicto di interes no intenciona.

Criminalidad cu ta crusa frontera y crimen di 'ondermijning', combatimento di corrupcion y fraude y promocion di integridad ta asuntonan autonomo di Aruba, Corsou y Sint Maarten. E paisnan tin di haber al respecto cu mas vulnerabilidad, debi na capacidad limita na personal y recurso. P'esey Hulanda ta trahando hunto cu Aruba, Corsou y Sint Maarten pa pone capacidad adicional, expertisio y recurso disponibel pa combati crimen di 'ondermijning'.

Secretario di estado di BZK Eddie van Marum ta enfatisa importancia di e acercamento pa habitantenan: "E gobiernonan

den Reino ta comparti un responsabilidad conhuntito pa combati e forman aki di 'ondermijning'. 'Ondermijning' puesta haci daño na funcionamiento di administracion publico y e confiansa di ciudadanonan den un gobierno honesto y integro. Habitantenan den henter Reino mester por confia riba un estado di derecho solido y resistente."

E colaboracion entre Hulanda y e tres paisnan Caribense riba tereno di 'ondermijning' ta tuma luga riba tanto tereno penal como administrativo. Ademas tin colaboracion riba tereno di bon gobernacion y integridad.

Parlamentario Xiomara Maduro: EMAN TA UN MAKELAAR CU TA BENDE ARUBA SU LIBERTAD PA DRECHA SU CARA NA HULANDA PARTIDO FUTURO A DUN'E TUR CHENS

Prome Minister Eman hunto cu un delegacion grandi a bay Hulanda pa casi dos siman, no pa defende interesnan di Aruba, sino pa bay entrega Aruba su autonomia den Reino Hulandes.

Si observa bon, Eman ta actuando manera un makelaar cu ta bende Aruba su autonomia pa drecha su mal reputacion na Hulanda. Anto Partido FUTURO a dun'e TUR chens pa haci esey tambe.

Welga di hamber a pone Eman perde cara
Tabata na juli 2014 cu Mike Eman a bay den welga di hamber supuestamente pa defende autonomia di Aruba, cu ela insulta Gobernador y Hulanda yamando nan pa “verkrachters,” pasobra Hulanda via Gobernador a interveni pa pone un paro na e deficit y debenan grandi cu Eman a traha pa Aruba.

E tempo eynan den prensa Hulandes nan a yama Eman pa “bipolar tienermeisje” y “calimero” pa enfatisa cu ta e mal maneho di Eman mes a ocasiona e intervencion aki. E welga di hamber aki a pone Eman perde cara na Hulanda, na unda su reputacion a bay na suela.

Bende Aruba su autonomia pa drecha

su cara

Awo 10 aña despues Eman ta probecha e hecho cu e ta MinPres, pa bay tour Hulanda pa purba drecha su cara na Hulanda uzando Aruba su autonomia como un “bargaining chip.” Eman a reuni cu varios persona y instancia y den cada bishita e ta purba bende un pida di Aruba su autonomia.

Asina nos por a mira Eman ta bende e proyecto Port City na nos waf na Playa cu inversionista Hulandes. Eman ta bende tereno pa cunukero Arubiano cu inversionista Hulandes. Tambe Eman a bay duna Schiphol shares den Aruba su airport pa nan por goza di e esfuerso cu e Arubiano a traha pe.

Sin lubida e Rijkswet HOFA den cual Eman a lobby pa politiconan Hulandes por tin e ultimo palabra riba e maneho financiero di Aruba.

Mike de makelaar activo danki na FUTURO

Ta un berguensa y tristesa alabes pa mira Mike Eman bende e lucha Arubiano pa autonomia, na Hulanda. Ta pone nos corda e advertencia cu defunto sr. Helmin Wiels a duna, cu Mike Eman ta un makelaar cu ta bende Aruba su autonomia na sneechi cada bes cu e subi avion bay Hulanda.

Lamentablemente Gerlien cu Geoffrey di FUTURO no a scucha e advertencia di Wiels y awe nan a bolbe pone Eman na mando y dun'e TUR chens pa e entrega e libertad di Aruba djis pa drecha su cara na Hulanda.



Anuncio



YOM KIPPUR

Den cuadro cu e dia sagrado di Yom Kippur tur sucursal di Caribbean Mercantile Bank N.V. lo ta cera pa publico riba diahuebs
2 di october, 2025.

Na e comunidad Hudiu nos lo kier desea un ayuno facil y scrito seyado.



MEP-FRACTIE DOET VERSLAG VAN INTERNETCONSULTATIE RIJKSWET HOFA

Gisteren, zondag 28 september 2025, is de internetconsultatie over de concept-consensusrijkswet HOFA officieel gesloten. Namens burgers van Aruba heeft de MEP-fractie actief deelgenomen door drie officiële consultatiereacties in te dienen, gebaseerd op de resultaten van een handtekeningenactie.

Handtekeningenactie

In totaal hebben 6.424 Arubanen hun handtekening gezet om hun bezwaren tegen de voorgestelde Rijkswet kenbaar te maken. Op basis van deze handtekeningen heeft de MEP-fractie de drie reacties ingediend.

Belangrijkste argumenten uit de consultatiereacties:

1. Procedurele en parlementaire bezwaren, 5.836 ondertekenaars

o De conceptwet is ingediend bij de Rijkswetministerraad zonder voorafgaande consultatie van de Staten van Aruba.

o Er ontbreekt feitelijke consensus aan Arubaanse zijde, ondanks dat het een consensusrijkswet betreft.

o Het ontbreken van parlementaire betrokkenheid ondermijnt de legitimatie van de wet.

o Besluitvorming zonder draagvlak vergroot de kans op vertraging, bestuurlijke frictie en verminderd vertrouwen binnen het Koninkrijk.

o Het Interparlementair Koninkrijksoverleg (IPKO 2022) stelde dat de Staten te allen tijde betrokken moeten worden bij consensusrijkswetten; dit is hier niet gebeurd.

o De regering gaf eerder aan dat de Staten betrokken zouden worden zodra onderhandelingen waren afgerond, maar dit is niet gebeurd.

2. Afwijking van afspraken en mandaten, en overdracht van autonome bevoegdheden en beperkte voordelen, 6.104 ondertekenaars

o De HOFA verschuift financieel toezicht naar het Koninkrijksniveau, waardoor Arubaanse beleidsruimte wordt beperkt.

o Er ontbreekt onderbouwing waarom een rijkswet noodzakelijk is; alternatieven zoals een onderlinge regeling zijn niet onderzocht.

o Lessen uit het Rijkswet financieel toezicht voor Curaçao en Sint Maarten laten risico's zien voor economische groei.

o De voordelen voor Aruba zijn beperkt en tijdelijk (bijvoorbeeld renteverlaging COVID-leningen), terwijl structurele bevoegdheden worden overgedragen.

o Vier moties van de Staten (2023) zijn genegeerd.

o Belangrijke punten die nog onderhandeld moesten worden, zijn niet correct afgehandeld.

3. Exit-bepalingen en proportionaliteit, 5.882 ondertekenaars

o De voorgestelde wet bevat 20 exit-voorwaarden voor Aruba, wat disproportioneel is.

o Er is geen duidelijke, objectieve en haalbare exit voorzien.

o Democratische borging en gelijke behandeling ontbreken.

De internet consultatie is inmiddels gesloten. Van de totaal 13 inzendingen, hebben 3 vragen en aanbevelingen gedaan, 3 anderen vinden het voorstel goed, en 6 hebben tegenargumenten gedaan, waarvan 3 van de MEP-fractie namens de 6.424 ondertekenaars.

Conclusie

Namens de duizenden Arubanen



die via de handtekeningenactie hun bezwaren kenbaar maakten, verzet de MEP-fractie zich tegen de concept-consensusrijkswet HOFA in de huidige vorm. De MEP vraagt om een onmiddellijke "time-out" van het traject, met formele betrokkenheid van de

Staten van Aruba via commissie- en plenaire behandeling, inclusief een regeringsnota met juridische, bestuurlijke en financiële impactanalyse. Hervatting van het traject dient pas plaats te vinden na expliciete parlementaire instemming.



Parlamentario Dangui Oduber: GOBIERNO NO A SIGUI CONSEHO DI RAAD VAN STATE RIBA LEY DI CONSENSO DI REINO!



Raad van State a duna un conseho den cuadro di funcionamento di 70 aña Statuut den Reino Hulandes. Ora nan a trata e tema di consensusrijkswet nan a conseha e procedura cu un gevolmachtigde minister mester sigui prome cu presenta cualkier proposicion di un rijkswet na conseho di minister di reino.

Raad van State a bisa cu PROME cu e gevolmachtigde minister presenta un “VOORSTEL” di un rijkswet, e gobierno MESTER presenta e voorstel aki na Parlamento prome cu presenta e voorstel di e rijkswet na conseho di minister di reino.

Ta obvio cu e gobierno di AVP-Futuro a viola e conseho aki, e no a sigui e conseho aki y NO kier tawata transparente cu Parlamento di Aruba y nos pueblo. Ta un berguensa ora nos scucha miembronan di parlamento papia di e rijkswet Hofa aki.

Ta condenabel cu e gobierno aki pa un tema asina sensitivo cu ta entrega di nos autonomia financiero y libertad NO a sigui e procedura prescribi y tampoco a sigui conseho di Raad van State.

Tabel 9: Ontwikkeling overheidsschuld, bbp en schuldquote 2020-2030 ¹²⁸											
(Bedragen in Afl. mln.)	2020	2021	2022	2023	2024	2025	2026	2027	2028	2029	2030
Land Aruba											
Schuld ¹²⁷	5.146	5.652	5.716	5.428	5.198	5.187	5.113	5.010	4.884	4.721	4.512
bbp ¹²⁸	4.397	5.111	5.874	6.630	7.076	7.302	7.429	8.020	8.311	8.587	8.873
Schuldquote	117%	111%	97%	82%	74%	71%	69%	62%	59%	56%	51%
Collectieve sector											
Schuld ¹²⁹						5.116	4.938	4.763	4.581	4.380	4.141
Schuldquote						70%	66%	59%	55%	51%	47%

E gobierno aki e demostra di ta un gobierno anti democratico, no transparente y cu no ta sigui e procedura manera mester ta. Na e momentonan aki gobierno di Aruba tin un surplus di 500 miyon florin, nos tin supervision financiero desde 2014, nos ta cumpliendo cu tur nos normanan financiero y ta cumpliendo cu nos debe cu Hulanda a pie de la letra! Es mas segun proyecionan di gobierno, pagando e strafrente di 6.9% nos debe te baha na 50% na aña 2030 caba!

Awor ta importante pa gobierno y su parlamentarionan splica pueblo kico ta e necesidad y kico ta urgencia pa bay di acuerdo cu e rijkswet HOFA cu no ta nada otro cu entrega di nos Libertad, entrega di nos autonomia financiero, entrega di nos derecho di autodeterminacion y entrega di Parlamento.

Rijkswet HOFA lo kita derecho di parlamento y Aruba lo perde su autonomia financiero
Esaki ta e consecuencianan di e Rijkswet HOFA pa nos Libertad y autonomia financiero: E rijkswet HOFA Ta duna Hulanda e autoridad pa dicidi con Aruba mag di gasta su propio placa. Desde cuando un banco cu ta prestabo placa por dicidi pabo con abo mag gasta bo propio entrada? E

2. Elke Gevolmachtigde Minister verzekert zich ervan dat zijn of haar regering schriftelijk instemt met het voorstel van rijkswet. Elke regering legt het voorstel voor aan de Staten voordat het behandeld wordt in de Rijksministerraad. Indien de landsregering ernstige bezwaren heeft tegen het voorstel, dan verklaart de Gevolmachtigde Minister zich in de Rijksministerraad tegen het voorstel. Op dat moment bestaat geen consensus.

rijkswet HOFA ta duna Hulanda e autoridad pa dicidi cuanto placa Aruba mag di fia!
E ta un ley cu ta bai hopi mas leu cu solamente controla
Pa cada inversion sea chikito of grandi mester pidi PERMISO na Consejo di minister di Reino (gobierno di Hulanda). Desde aña 1986 pais Aruba ta dicidi riba tur inversion, cu HOFA esaki lo cambia! Pa cada cambio den presupuesto mester pidi Hulanda permiso pa haci cambio!

Esaki ta puntonan cu nos mester informa comunidad pakico nos ta considera e rijkswet HOFA como entrega di nos Libertad y entrega di nos autonomia.
Nos ta lamenta cu den parlamento tin miembronan cu no ta sinti nada pa nos Libertad, nan no ta sinti nada di orguyo di por ta biba den un pais liber, nan no ta sinti nada pa nos Status Aparte.

Ni con chikito un nacion ta, semper bo mester para firme y fuerte pa bo principionan y dignidad!

E politico Arubiano cu kier entrega nos Libertad y ta di acuerdo cu Rijkswet Hofa NO ta sirbi interes di pais Aruba sino ta sirbi sea su propio interes of un otro interes pero no interes di nos biniestar y Libertad.

Libertad di un pais NO tin prijs y pa un sakito di placa nos no por permiti pa Mike Eman, Gerlien Croes y Geoffrey Wever ta bende nos alma y Libertad!

Nos accion di firma ta continua pasobra ta voz di pueblo, rosea cayente so por para e Rijkswet HOFA aki!



EMPLEADONAN DI DWH A HURAMENTA COMO BOA



ORANJESTAD, Aruba – 29 september 2025: Cinco empleado di afdeling Dienst Warenkeuring y Hygiëne (DWH) di Departamento di Salud Publico recientemente a logra un gran paso den nan carera como ambtenaar. Nan a sigui cu dedicacion e opleiding di Bijzonder Opsporingsambtenaar (BOA) durante e periodo di oktober 2021 te mei 2022. Na fin di mei 2022, tur cinco a termina e curso cu exito y a demostra cu nan ta cla pa cumpli cu e responsabilidadnan di nan funcion.

Despues di un proseso


di evaluacion, riba 22 augustus 2025 a wordo firma e Landsbesluit oficial pa autorisa nan nombramento. E momento oficial a tuma lugar riba 25 september 2025, ora cu e cinco empleadonan a huramenta dilanti di Minister di Justicia Arthur Dowers, reafirmando asina nan compromiso pa sirbi y proteha e comunidad di Aruba den ramo di salud.

Como Bijzonder Opsporingsambtenaar, e tarea principal di nan ta pa garantisa seguridad y mantene un bon calidad di bida den comunidad door di detecta y aplica

ley. E BOA tin e autoridad pa detecta violacion di ley, duna advertencia of prepara un proces-verbaal pa posibel boet.

Departamento di Salud Publico y su seccion Warenkeuring y Hygiëne ta orguyoso di e esfuerzo y dedicacion cu e empleadonan a musta. Nan logro ta un paso importante pa fortalece e control y proteccion di salud publico di Aruba.

Pa mas informacion like nos Facebook page Directie Volksgezondheid DVG Aruba, Follow nos riba Instagram directie_volksgezondheid_aruba, subi nos website www.dvg.aw, yama nos na 5224200 of mail nos na servicio@dvg.aw



CAMBIA PERSPECTIVA TOCANTE OBESIDAD: SA BO NUMBER Y MIDI BO PESO



TA BUSCA PA SIGUI ELEVA SU MES DEN TUR ASPECTO COMO ATLETA Y HOBEN PROFESIONAL

Atleta Olimpico Chloë Farro ta rumbo pa Barcelona, Spaña pa continua su educacion y entrenamiento

Recien a reuni cu atleta Olimpico di landamento Chloë Farro, unda cu hunto cu Directora Tecnico Monica Fajardo y Secretaria General Nicole Hoevertsz a combersa riba su plannan pa 2025-2026. Durante e reunion ameno aki Chloë a indica di bay pa Barcelona-Spaña, unda e lo bay pa obtene Masters Degree den “Financial Technology and Business

Analytics” na e universidad di EADA Barcelona.

Banda di su ambicion academico, Chloë lo sigi entrena pa e Ciclo Olimpico aki, unda cu despues di un bon prestacion na Weganan Panamericano Junior ASU2025, e lo sigi entrena pa e siguiente weganan den 2026. Chloë lo entrena un club profesional di landamento

na Barcelona cu ta conoci pa entrena otro atletanan di nivel Olimpico, unda e lo prepara su mes debidamente pa asina sigui mehora como atleta di landamento.

Comite Olimpico Arubano ta contento pa mira un hoben manera Chloë cu tin e disciplina pa kier sigi entrena na un nivel di alto rendimiento y alabes sigui



su estudio como hoben Chloë tur tipo di exito den profesional. COA ta desea e reto aki. #TEAMARU

POR CUMINSA PAGA IMPUESTO DI VEHICULO DI MOTOR DI AÑA 2026

E servicio di pago parcial tambe ta posibel

Departamento di Impuesto ta anuncia cu na e momentonan aki tur contribuyente automobilista por cuminsa haci pago di impuesto di vehiculo di motor di año 2026. Di acuerdo cu ley, e fecha final pa haci pago ta 31 di januari 2026, pero debi cu e dia aki ta cay den weekend, e fecha final ta bira 2 di februari 2026. Departamento di Impuesto ta permiti e contribuyentenan pa haci e pago mas trempan, dunando asina mas espacio financiero pa por cumpli cu nan deber fiscal. Manera ta conoci, e automobilista por scoge pa paga su impuesto di vehiculo di motor den un solo biaha of den mas biaha haciendo uzo di e servicio di pago parcial.

Tarifa di impuesto

Pa año 2026 e tarifa di impuesto di vehiculo di motor ta keda igual cu e añanan anterior. Contribuyentenan lo tin cu paga unicamente e tarifa di impuesto. No tin mester di paga pa e costonan di e plachinan, ya cu e plachinan blaw cu blanco ta valido te cu año 2029.

Servicio di pago parcial

Pa yuda e automobilistanan contribuyente cumpli na tempo y evita cu na februari 2026 lo mester paga e impuesto den un solo biaha, Departamento di Impuesto ta brinda e oportunidad pa haci e pago adelanta y pocopoco di awor caba. Esaki ta e servicio di pago parcial cu ta conta tanto pa empresanan como personanan priva. Na e momentonan aki e contribuyentenan tin 4 luna di tempo prome cu e fecha final di 2 di februari 2026. Haciendo uzo di e servicio di pago parcial, e contribuyente por parti e pagonan durante e lunanan venidero y asina cumpli na tempo.

E sistema di pago parcial no ta obligatorio, pero fuertemente recomienda specialmente pa esnan cu mester mas tempo of tin mas auto.

E condicionnan di servicio di pago parcial E condicionnan pa e servicio di pago parcial ta lo siguiente: ☐ Ta paga e impuesto delanta, esta prome cu dia 2 di februari 2026. ☐ Ta haci e pago pa luna. ☐ Ta paga e suma minimo rekeri sea Afl. 50 of Afl. 200

(depende e categoria di plachi). ☐ No por paga menos cu Afl. 50 a menos cu e debe (restante) ta menos. ☐ Ta haci e ultimo pago no mas laat cu dia 2 di februari 2026.

E servicio di pago parcial ta valido unicamente pa pago di impuesto di vehiculo di motor.

Pago minimo ta depende e categoria di plachi E pago minimo pa luna ta depende den cua categoria di plachi e vehiculo ta registra. Aki ta sigui un skema.

Categoria di plachi

Suma minimo pa luna

A, V, MFA, MFV, TR, TX, V, B (bus chikito), AG, BR y GAR

Afl. 50 B (bus grandi), Plachi di nomber, DT, O y T Afl. 200

Online Banking Alabes Departamento di Impuesto ta recomienda su contribuyentenan pa paga via e sistema di Online Banking di Aruba Bank, Banco di Caribe of CMB, uzando e metodo di “Bill Payment”. Pagonan haci via e banconan menciona aki ta pasa den e sistema di Departamento di

Impuesto den un dia. Pagonan haci via otro banco ta tarda por lo menos 5 dia di trabou pa registra den e administracion di Departamento di Impuesto. Pa e pagonan online por wordo procesa debidamente, ta importante pa inclui e siguiente informacion: - Persoonsnummer na cual e vehiculo ta registra - Number di auto - E periodo di cuenta cu ta pagando (por ehempel: 2026)

Pidi recibo online E contribuyentenan cu ta paga via banco por pidi e recibo online. Pa pidi e recibo online mester haci esaki via e website impuesto. aw, selecta Digitale formulieren ☐ Kwitantie motorrijtuigbelasting y sigui e instruccionnan. E contribuyentenan cu ta haci uzo di e servicio di pago parcial y ta haci pago via banco: por pidi e recibo online despues di completa tur e pagonan di e impuesto.

Fecha final

Dia 2 di februari 2026 ta ultimo dia cu por paga e impuesto di e prome mita di año 2026. impuesto di año 2026.

AMSTERDAM HULANDA

bukinan di Delno Tromp autor Bonaireano su bukinan E cabrito cu djentí oro , Marka Indjan, milochoshentikuarentidos y "Shi Helena ta konta "a wordo entrega na skolnan na Amsterdam Oost , skol international den Bijmer (Amsterdam Zuidoost) y Diemen specialmente pa e evento di Kinderboekenweek cu lo tuma lugar djaranson awor 1 di oktober 2025.

tin hopi interes pa cu bukinan original cu storianan original di e Caribe Hulandes (Dutch Caribbean). especialmente tin schoolbibliotheek cu tambe ta trahando riba rekinan pa

"meertalige boeken".

Tin directornan di skol cu ta hopi intresa den bukinan di e autornan di islanan Hulandes den caribe algun a hasta pidi email di Delno pa gradicie y dune feedback di su bukinan.

Tin hopi skol den Amsterdam y varios bookstore cu tambe ta bende bukinan multilingual.

E bukinan di Delno sigur sigur lo cause furor mirando cu Delno ta pone e palabranan den Papiamento di e islanan ABC cu splikashon y tambe e buki or wordo lesa a Hulandes y Ingles .

E buki shi Helena ta Conta ,ta un buki hopi educativo especialmente paso e tin cuentanan di norma y balor di nos grandinan cu ta hopi importante pa educa na skolnan Hulandes pa asina nan por compronde e islenjonan miho y aprecia e intercambio cultural entre Dutch Caribbean cu Hulanda.

Amsterdam ta un lugar hopi multicultural y cada skol tin muchanan di cada pais inmigrante den klas y esaki ta hacie intresante ora di lesa of spreekbeurt tokante e islanan di origen di nan parientenan y pa esnan cu a nace den Dutch caribbean ta leuk pa reconoce nos



mes dene bukinan di Delno Tromp.

Mi mes ta lesa tur e bukinan di Delno prome cu mi entrega e skol pa mi por splika un tiki dje bukinan ja por mira tambe pa ki edad e mucha lo por lesa e buki pe compronde miho.

Loque tambe ta haci e buki mas atractivota cu Delno ta ilustra multiculturalismo den su bukinan.

Asina tur mucha ta wak nan mes den e bukinan y ta dunanan mas smaak pa lese tambe.

Parlamentario Jennifer Arends-Reyes: “IPKO TA UN PLATAFORMA VITAL PA INTERCAMBIA INFORMACION Y FORTALECE COOPERACION DEN REINO”



ORANJESTAD/DEN HAAG – Presidente di Comision di Asuntonan di Reino y Asuntonan Exterior na e reunion oficial di IPKO, y lider di fraccion di AVP señora Jennifer Arends-Reyes, a enfatisa importancia di e sesionnan cu a

tuma lugar riba e dia dos di e encuentro. Segun Arends-Reyes, e nivel di informacion comparti y discuti ta demostra cla cu IPKO ta sigui ta un plataforma vital pa fortalece nos institucionnan parlamentario y pa

amplia nos comprension di desaroyonan global y regional cu ta toca henter Reino.

E sesion riba diasabra a cuminsa cu presentacionnan tocante desaroyonan geopolitico, presenta pa Clingendael y otro expertonan. Nan a muestra manera cambio den mundo, conflictonan y dinamica internacional ta tin un impacto directo riba nos paisnan chikito den Caribe y riba estabilidad di Reino.

Despues di esaki, a sigui presentacion riba importancia di MBO pa un pais. Den contexto aki, a comparti tambe proyectonan di Reino cu ta stimula educacion y oportunidadnan pa

hobennan, entre nan e Koninkrijksbeurs y e Caribbean Academic Foundation Year (CAFY), implementa door di SEA (Strategic Education Alliance). Arends-Reyes a subraya cu esaki ta un inversion esencial den futuro di nos hobennan y den progreso di Aruba mes.

Un otro punto central tabata e discusion riba 70 aña di Statuut di Reino y e diferente instrumento manera leynan di Reino. E tema aki a duna oportunidad pa refleha riba historia y pa pone na agenda pregunta importante riba funcionalidad y relevancia di e instrumento aki den epoca actual.

Finalmente, e delegacionnan a ricibi un presentacion y a tene discusionnan riba vergrijzing (embehecemento di poblacion). E realidad demografico aki ta trece reto grandi pa tur pais, specialmente den area di salud, pensioen y sostenibilidad di nos sistema social.

Arends-Reyes a conclui cu dia dos di IPKO a confirma importancia di e dialogo interparlamentario. “E intercambio di conocementoy perspectiva ta fundamental pa traha hunto na un Reino mas fuerte, cu mas comprension mutuo y cu un vision cla pa futuro,” eL a afirma.

Parlamentario Stephany Sevinger: “TURISMO NO POR TA SOLAMENTE UN MOTOR ECONOMICO, MESTER TA UN FUENTE DI BIDA PA NOS COMUNIDAD”



ORANJESTAD (28 di september 2025) - Na ocasion di Dia Mundial di Turismo 2025, miembro di Parlamento pa AVP, Stephany Sevinger, a comparti un mensahe inspiracional riba importancia di turismo pa Aruba y, mas importante ainda, riba balor di nos pueblo cu ta carga e sector aki dia tras dia.

Reflexionando riba e fecha, Sevinger ta pensa cu hopi paisnan ta celebra number y estadistica, pero pa Aruba, e historia ta mas profundo. “Nos ta bendiciona cu solo, playa y awa bunita, pero e berdadero tesoro cu ta haci Aruba un destino unico, ta nos mes pueblo. Ta nos hende cu ta duna bida y calor humano na turismo,” el a bisa.

E kier recorda cu turismo ta un motor economico, pero un motor no ta core riba su mes. Pa move, tur pida chikito y grandi mester traha hunto. Den turismo, esaki ta e hende: e empleado di hotel cu su sonrisa, e taxista cu su historia, e chef, e piscado, e guia turistico, henter personal di mantencion y limpieza. “Nan ta e piesa vital cu ta move Aruba aden,” segun Sevinger. Tambe e ta probecha di duna un palabra di gratitud profundo na tur cu ta traha den sector, reconociendo sacrificio di trabou largo, marduga y anochi, cu sonrisanan hasta den cansancio. “Danki pa bo entrega y pa ta e berdadero embahado di Aruba,” el a expresa. Pero Sevinger a enfatisa cu gratitud so no ta



basta. Prosperidad di turismo mester yega den cas y mesanan di tur trahado, pa nos hoben por soña mas grandi y pa famia por biba miho. “Turismo no por wordo midi solamente den cifra, mester wordo midi den dignidad, husticia y oportunidad,” el a agrega. E parlamentario di AVP a splica cu futuro di turismo tambe mester orienta riba sostenibilidad, innovacion y respeto pa nos medio ambiente. E a destaca cu cuido di


nos playa, nos mar y nos cultura ta fundamental pa mantene turismo fuerte y pa asina por keda atrae generacionnan cu ta bin. Finalmente, Sevinger a haci un yamada pa sigura cu turismo no ta un storia di ganashi sin pueblo, sino un refleho di husticia y bienestar pa nos tur. “Futuro di Aruba ta pertenece prome cu tur na esunnan cu ta biba aki. Si nos ta cuida nos pueblo, nos isla lo sigui briya mas fuerte.”

RECHERCHENAN DI NOORD TA TRAS DI E HOBENNAN ATRACADOR NA PALM BEACH!

Recherchenan di Noord ta riba un investigacion despues cu den oranan di madrugada algo straño lo a sosode. 2 Turista tabata cana bay na nan auto para na un distancia poco leu. Algun hoben local lo a sigui nan na pia den e area di Palm Beach. Un poco aleha e turistanan a ser ataca pa e hobennan aki pero e turistanan a lucha te logra subi nan auto y ranca bay. Durante

e lucha aki nan a dobla e porta di e auto y a kibra e man di e porta. Un turista a ripara cu su cadena di oro basta caro a ser ranca for di dje. Nan a bay pone polis na altura di e atraco aki cu a sosode riba nan. Polis a pone recherche na altura di e caso aki y ta buscando imagennan di e camaranan di seguridad cu lo a capta kiko a sosode. Pero awo recherche tin e imagennan di e 2

hobennan local y ta den buskeda di nan pa duna cuenta di atraco aki.



Parlamentario Carlos Bermudez:

“CARIBE HULANDES TA BUSCA UN ‘FAMILIEGEVOEL’ DI DEN HAAG PA CU E SITUACIÓN ENTRE VENEZUELA Y MERCA”



ORANJESTAD/DEN HAAG - (28 di september 2025) - Riba 26 di september ultimo, durante un reunion di e Interparlementaire Koninkrijksoverleg (IPKO), miembro di Eerste Kamer, señor Jeroen Recourt (GroenLinks-PvdA) a expresa cu segun su opinion e topico di geopolitica – y den particular e situacion Merca–Venezuela – no ta un punto cu ta biba bou di e ciudadanonan di Hulanda. Posiblemente esaki tin di haci cu e echo cu señor Recourt lo no a tuma e topico specifico aki na cuenta

durante e preparacion pa su presentacion ya cu no ta e topico principal di su presentacion. Durante e reunion cierto preguntanan a keda formula riba e topico di geopolítica. Sinembargo, no a ricibi contesta pa motibo cu a prefera pa trata esakinan riba e siguiente dia (27 di september), pasobra pa dia 27 e punto ta formalmente inclui den e agenda. Riba 27 di september, durante e tratamiento di e topico di geopolítica, e delegacionnan di Hulanda, Aruba, Sint Maarten y Corsou a ricibi

dos presentacion: un di señor Verbossen, Senior Research Fellow – Security Unit na Clingendael Instituut, y un di señor Oostindie, Senior Onderzoeker / Emeritus Hoogleraar Koloniale y Post-koloniale Geschiedenis na Universiteit Leiden.

Durante e ronda di pregunta – cu desafortunadamente no tabata publico – Parlamentario Carlos Bermudez a haci uzo di su derecho pa expresa su preocupacion. Prome cu el a haci su pregunta, Bermudez a splica cu e no a keda trankil cu tur loke a scucha, y cu e tabata convenci cu por papia den nomber di e delegacion di Sint Maarten y Corsou. Bermudez a expresa cu, den su opinion, e presentacionnan ricibi no a muestra e ‘familiegevoel’ cu ta fundamental den Reino. E paisnan den Caribe, Aruba Sint Maarten y Corsou SA hopi bon kico ta un sentimiento familiar. Sinembargo, hopi biaha nos ta sinti cu door cu nos ta fisicamente leu, ta lubida cu nos ta famia den Reino.

E expectativa ta cla: ora cu ta trata di un situacion delicado manera Venezuela–Merca, nos, e tres paisnan kier scucha palabra firme cu



Madre Patria lo ta presente pa proteha nos. Nos mester sinti na tur momentonan cu nos ta wordo trata manera famia den Reino. Na final, Parlamentario Bermudez a puntra, aunke cu na su opinion tin un chens cu esunnan cu a duna e presentacion no ta esunnan

cu por contesta e pregunta, pero el a hacie toch pasobra tal vez e coleganan di Eerste y Tweede kamer si por yuda pa haya contesta. E pregunta ta si tin escenarionan pensa pa cu e situacion di Venezuela - Merca pa garantiza nos seguridad y proteha nos

Clasificados



SOLODIPUEBLO@GMAIL.COM
CEL. 585 9500





Paardenbaaistraat 10, Oranjestad, Aruba Tel.: (297) 525 - 7555
www.lottoaruba.com
Resultado: Sorteo di Merdia - September 29, 2025

 Sorteo # 4757 8733 6739 1833  X2  Sorteo # 4757 2785  FP  Sorteo # 2813 1964  Sorteo # 4757 6899 Virgo  Sorteo # 1631 410  X2	 Sorteo # 0 x Jackpot 0 x Match 4+ 0 x Match 4 0 x Afl. 12,00 Joker Letter Proximo Jackpot 130.000,-	 Sorteo # 0 x Jackpot 0 x Match 4 0 x Afl. 8,00 Proximo Jackpot 50.000,-	 Sorteo # 0 x Jackpot 0 x match 4 0 x Afl. 500,00 0 x Afl. 50,00 0 x Afl. 15,00 Mega Ball Proximo Jackpot 290.000,-	 Afl. 390.000,-	 Sorteo # 
--	--	---	--	--	--

PARLAMENTARIONAN DENNERICH KELLY Y OTAMI THOMASIA TA BISHITA BUREAU CITY INSPECTOR Y CANCHA DI UNISTARS NA POS CHIKITO



ORANJESTAD (28 di september 2025) – Den siman aki, miembronan di Parlamento Dennerich Kelly y Otami Thomasia a realiza un serie di bishita di conocimiento pa tuma un mira mas profundo den funcionamiento di diferente instancia di gobierno y organizacionnan di bario. Den e marco aki, nan

a bishita Bureau City Inspector y despues a tene un encuentro na cancha di futbol di Unistars na Pos Chikito, caminda diasabra ultimo tabatin un gran campaña di limpieza pa e bario, conoci como “Baki den Bario”. Durante e bishita na Bureau City Inspector, e parlamentarionan a ricibi un presentacion detaya

riba e trabou esencial cu e departamento ta realiza tur dia. Bureau City Inspector ta funciona como un meldpunt caminda ciudadanonan por reporta lugarnan cu ta uza ilegalmente pa dump sushi, tanto riba tereno publico, como priva. E sistema di registro y di seguimiento cu e departamento ta opera a

laga un bon impresion riba e dos parlamentarionan, mustrandocu, a pesar di limitacion di medio financiero, faltadi personal y reto den cooperacion interdepartamental, e ekipo ta sigui duna un contribucion valioso pa mantene nos isla mas limpi y mas saludabel. Kelly y Thomasia a enfatisa cu un bario limpi no ta solamente un cuestion estetico, sino un condicion cu ta impacta directamente riba salud y bienestar di nos comunidad. Nan a haci un yamada special na hobennan di Aruba pa tuma un rol mas activo den comunidad: “Mira rond di bo cas, bo bisiña y bo bario. Saca un man, yuda bo prohimo y sigui traha hunto pa un Aruba mas limpi.”

Segun Kelly y Thomasia, solamente cu solidaridad, unidad y sostenibilidad, por logra un cambio real. E tres aspectonan ta importante pa e parlamentarionan pasobra nan ta forma base di e ideologia Cristian Democrata cu AVP ta para

p’e. Parti esencial di rol di parlamentario ta vigila gobierno y scucha preocupacion di pueblo. Basa riba esaki, Kelly y Thomasia a confirma cu ya nan a dirigi un serie di pregunta formal na ministerio encarga cu infraestructura y medio ambiente, especificamente riba maneho di desperdicio na Aruba. E campaña “Baki den Bario” ta un di e hopi ehempel di esfuerzo comun pa yuda fortalece bario y, na termino largo, un Aruba mas salud, sostenibel y orguyoso.

Clasificados

SOLODIPUEBLO@GMAIL.COM
CEL. 585 9500

SOLO Di Pueblo

FORTALEZA PA FAMIA

Scirbi pa Pastor Marcel Balootje.

BO TA UN CRIATURA NOBO, SPIRITO DI DIOS TA BIBA DEN BO

Algo grandi sosode den bida di un persona , ora e entrega su bida na Cristo Hesus.

Den 2 Corintionan 5:17 e palabra di Dios ta bisa: Pesey si un persona ta den Cristo criatura nobo,e cosnan bieuw a pasa,caba, ata tur cos a bira nobo.

Romanonan 10:9-10 ta bisa: Cu si bo confesa cu bo boca cu Hesus ta Senjor, e kere den bo curason cu Dios a lant'E for di mortonan lo bo ta salba, pasobra cu curason hende ta kere pa hanja husticia,y cu boca e ta contesta pa hanja salbacion.

Pesey ora esaki tuma lugar den bida di hende cual ta un cambio grandi y beneficoso, cu ta hiba bo na bida eterna, Bijbel ta splica cu bo curpa ta bira tempel di Dios, pasobra e Spirito di Dios ta biba den bo, bo no ta di bo mes mas , bo a wordo cumpra pa un preis, bo a wordo redimi for di maldad.

Pesey e palabra di Dios ta bisa den 1 Corintionan 6:18-20 bisando;

Huy for di inmoralidad. Tur otro pica cu un hende comete ta pafo di e curpa, ma hende immoral ta peca contra su



mes curpa.

Of boso no sa cu boso curpa ta e tempel di Spirito di Spirito Santo kende ta biba den boso, Kende boso tin di Dios. Cu boso no ta pertenece na boso mes. Pasobra boso a wordo cumpra pa un preis,Pesey glorifica Dios den boso curpa. Y e ta bolbe recorda nos den 1 Corintionan 3: 16-17 bisando: Boso no sa cu boso ta tempel di Dios, y cu e Spirito di Dios ta biba den boso, Si un hende destrui e tempel di Dios, Dios lo destruie.Pasobra e

tempel di Dios ta santo, y esey ta loke boso ta.

Ningun hende no ta bisti panja nechi y despues bay tira su curpa abao den lodo, ni tampoco un hende no ta

bay bisti un trahe blanco y despues bay traha cu grease y cosnan cu ta mancha y danja su panja.

Mescos tambe un hende mester realiza cu e Spirito Santo ta biba den dje, y e no por participa mas den e bida bieu cu e tabatin.

bin biba den nos, y nos tur sa cu caminda e Spirito di Dios ta, ningun otro spirito impuro no por biba, pasobra e Spirito di Dios ta santo.

Ta pesey cualquier persona , cu entrega su bida na Cristo Hesus, no por puntra si e por participa den Halloween,Carnaval y sigi droga y usa alcohol pasobra, e sa awor cu e tin e Spirito di Dios ta biba den dje.

Pasobra biba pa Dios y participa den cosnan immoral for di boluntad di Dios, ta nifica cu nos ta infiel na Dios. Tuma ehempel aki , bo ta casa, y bo casa ta bay drumi na cas di otro homber of otro muher y despues e ta lanta y bini cas serca bo, con lo bo sinti bo?

Awel pakico hende tin cu trata Dios asina? Sabiendo cu bo curpa ta tempel di Dios. Esey ta nifica cu no ta e edificio cu bo ta congrega den dje, pero curpa di nos cada un cu ta kere den Cristo ta Tempel di Dios, paden y pafor.

Ta bo curpa completo, y no bo curason so, ta tempo pa bira conciente.

Sinceramente, Pastor Marcel Balootje.



Paga bo cuenta online ta facil

Sea
Abonnement
of Aviso

Pago online,
facil y lihe

**Pa hasi pago online pone number y adres na
cuenta di banco RBC Sunmax Printing
account # 7700000100152447**

SOPI DI LETRANAN

G	W	A	T	P	E	P	R	O
Q	H	N	D	U	M	W	H	Y
K	I	E	B	R	O	W	N	E
U	T	R	B	P	H	L	J	L
W	E	M	X	L	R	O	B	L
P	T	G	R	E	E	N	V	O
I	Z	H	O	V	D	W	L	W
N	B	L	A	C	K	K	R	Y
K	E	X	C	L	B	L	U	E

RED
ORANGE
YELLOW
GREEN
BLUE



PURPLE
PINK
BROWN
BLACK
WHITE

letrasenlasopa.com

SUDOKU

	3		2		9		7	
9			4	1	3			8
		1		7		3		
7	1			4			9	5
	8	6	9		7	4	3	
5	9			2			8	7
		8		6		9		
6			1	3	2			4
	4		8		5		6	

		6	7		4	9		
	5			6			8	
2								5
3								1
1								2
	8						3	
		7				6		
			3		9			
				8				

	7			6				9
6			5				8	
		4				7		
	3				6			
2				5				8
			4				1	
		3				4		
	2				7			3
1				8			2	



Oracion di dia

Un dia fructifero y cu e luz di Cristo por briya den cada un di nos

" ... Pasobra tur hende cu halsa nan mes, lo keda humilia, ma esun cu humilia su mes, lo keda halsa". Lucas 18,14

Awe nos ta lesa e importancia di humildad y reconece nos faltanan. Nos por ta manera e fariseo husgando otro y halsando su mes of manera e cobrado di belasting ta reconece su falta y su necesidad di compasion. Cu humildad nos ta sirbi otro sin busca recompensa; scucha mas y papia menos, na balora e otronan pa loke nan ta y no pa loke nan tin of ta aparenta di ta. Reflexionando continuamente ta yuda evita na cay den orguyo y na mantene nos mirada fiho den e mision cu Señor a confia nos. Biba cu berdadero humildad ta nifica rechasa e mascaradanan cu hopi biaha nos ta pone pa impresiona of pa competi cu otro. No biba un bida superficial of di falsedad, sea un luz pa mundo unda e luz di Cristo ta briya den bo. Loke ta importa no ta con otronan ta mira nos, sino con Dios ta mira nos. Ser bo mes y cu humildad ta acerca nos na e berdadero esencia di nos fe y esey ta haci nos un instrumento den e man di Dios.

Oracion : Señor Hesus, haci mi curason pareu na bo curason. Manso y humilde y obedecido na bo Santa boluntad.

Amen.

POLIS A DETENE CHAUFFEUR BURACHI CU A DUNA INFORMACION
CONFUSO DI E ACCIDENTE CU ELA OCASIONA NA PALM BEACH



Diadomingo anochi a drenta informe di un accidente na crusada di Palm Beach, mesora a dirigi un patruya na e sitio. Na yegada di e patruya a bin compronde cu un chauffeur bao influencia a ocasiona un accidente pero su declaracion no

t a b a t a Polis a haya nan mes ta core auto bao influencia y ocasiona un accidente. cuadra y tabata confuso. detene e chauffeur pa a

Clasificados



SOLODIPUEBLO@GMAIL.COM
CEL. 585 9500



Gradicimento/invitacion

Na number di famianan nos kier a gradici tur es nan cu na un manera of otro a duna nos sosten, consuelo y forsa durante e tempo dificil cu fayecimento y entiero di nos defunto stima:



Sra. Vda Maxima E. Semeleer-Paesch
Cariñosamente yama “Shomina,”Mamina”

Ta gradici tur dokter y asst. pa nan attention y bon cuido cu semper nan a brinda pa nos, na un y tur cu a yama, message y manda flor.
Tambe na Aurora funeral Home pa cu su bon servicio y atención.


Ta invita pa asisti na 3 Santo Sacrificio di Misa cual lo tuma lugar:
Parokia, St. Anna, Noord

-Diaranson, 1 october 2025 6.30 pm y después di misa lo tin un rosario na cas.

CROSSWORD
WORD SEARCH PUZZLE



APPLES



ACROSS

- 1. a small animal you might find in an apple
- 4. using your hand to remove a fruit from where it is growing
- 6. small objects produced by a plant from which new plants can grow
- 10. round fruit with red, yellow, or green skin and firm white flesh
- 12. to divide an apple by using a knife
- 13. to remove the skin from an apple
- 14. the skin of an apple could be this color

DOWN

- 2. fully grown and developed and ready to be eaten
- 3. a tall plant that has a thick, wooden stem and many large branches
- 5. raw apple juice that has not been filtered
- 7. to put food into your mouth and chew and swallow it
- 8. the long, thin part of a fruit that connects it to its plant
- 9. what an apple does to get to the ground
- 11. a baked desert sometimes made with apples
- 12. the center part of an apple